



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2023/0871

Paneli Shqyrtues, i emëruar nga Kryetarja e Organit Shqyrtues të Prokurimit (OSHP), në bazë të nenit 105, 106 dhe 117 të Ligjit për Prokurim Publik të Republikës së Kosovës (LPP) në përbërje nga Vedat Poterqoi - Kryetar, Isa Hasani - Anëtar dhe Vjosa Gradinaj Mexhuani - Anëtare, duke vendosur sipas ankesës së Operatorit Ekonomik (OE) Sabit Makiqi., kundër Vendimit për dhënie të një kontratë të POLICIA E KOSOVËS në cilësinë e Autoritetit Kontraktues (AK) lidhur me aktivitetin e prokurimit “FURNIZIM ME KËPUCË PËR POLICIN E KOSOVËS -Ritender” me numër të prokurimit 214-23-7137-1-1-1, me 01/02/2024, mori:

Vendim

1. **Refuzohet**, si e bazuar ankesa e OE Sabit Makiqi B.I. me nr. 2023/871, e datës 06/11/2023, kurse vendimi i AK POLICIA E KOSOVËS lidhur me aktivitetin e prokurimit “FURNIZIM ME KËPUCË PËR POLICIN E KOSOVËS -Ritender” me numër të prokurimit 214-23-7137-1-1-1, ndërsa vendimi i AK mbetet në fuqi.

2. Në afat prej 10 ditësh, AK duhet ta informojë OSHP për të gjitha veprimet e ndërmarra lidhur me këtë aktivitet të prokurimit, në të kundërtën, OSHP ka të drejtë të ndërmarrë masa ndaj AK për mos respektim të vendimit sikurse parashihet me dispozitat e nenit 131 të LPP.

3. Konform nenit 31 paragrafi 5 i Rregullores së Punës së OSHP, konfiskohen mjetet e depozituara në emër të tarifës ankimore dhe të njëjtat kalojnë në Buxhetin e Republikës së Kosovës.

Arsyetim

-Faktet dhe rrethanat procedurale –

POLICIA E KOSOVËS, në cilësinë e autoritetit kontraktues me datën 20.07.2023, ka publikuar Njoftimin për Kontratë lidhur me aktivitetin e prokurimit me titull: “Furnizim me këpucë për Policinë e Kosovës” me numër të prokurimit 214-23-7137-1-1-1. Ndërsa me datë 17.10.2023 ka publikuar B58 Njoftimin mbi vendimin e Autoritetit Kontraktues.

Autoriteti kontraktues ka zbatuar procedurë të hapur, lloji i kontratës furnizim dhe vlera e parashikuar e kontratës 1,240,860.00 €.

Me datë 23.10.2023, OE ankues ka bërë kërkesë për rishqyrtim ndaj vendimit të lartcekur të AK ndërsa me datë 26.10.2023 POLICIA E KOSOVËS refuzon si të pa pabazuar kërkesën për rishqyrtim të Operatorit Ekonomik.

Me datën 06.11.2023 OSHP ka pranuar ankesën nga OE Sabit Makiqi B.I, me numër të protokollit 871/2023, lidhur me aktivitetin e prokurimit “Furnizim me këpucë për Policinë e Kosovës” me numër të prokurimit 23-7137-1-1-1.

-Mbi fazën e shqyrtimit paraprak-

Paneli Shqyrtues ka konstatuar se ankesa i përmban të gjitha elementet e përcaktuara përmes nenit 111 të LPP dhe si e tillë është parashtruar brenda afatit ligjor në përputhje me nenin 109 paragrafin 1 të LPP pas procedurës paraprake për zgjidhje të mosmarrëveshjeve në kuptim të nenit 108/A të LPP, nga operatori ekonomik që është palë e interesuar sipas nenit 4 paragrafit 1 nën-paragrafit 26 të LPP. Në këtë mënyrë Paneli Shqyrtues ka konstatuar se është kompetent për të shqyrtuar këtë ankesë sipas nenit 105 të LPP dhe nuk ekziston asnjë pengesë procedurale për të vazhduar me shqyrtimin e ankesës në mënyrë meritore.

Pretendimet e operatorit ekonomik ankues OE Sabit Makiqi B.I janë parashtruar si në vijim:

Pretendimi Ankuesi pretendon se “Si pike e pare e eliminimit sipas AK-së është se : OE ka sjelle Listën e kontratave ne oferte, e cila ne përmbajtje ka patur edhe artikuj tjerë përpos natyrës se njëjtë Apo te ngjashme. Me date 26.09.20231 kemi dërguar Letër Standarde ku I kemi kërkuar qe te na ofroj sqarime sipas kodit klasifikues. OE me date 02.10.2023 është përgjigjur Brenda afatit por nuk ka arritur te ofroj dëshmi te mjaftueshme. Vlera e cila ofrohet nga OE nuk e mbulon vlerën e kontratave nga Lista e Kontratave te ofruar ne ditën e ofertimit. Ne sqarimet e dhëna te datës 02.10.2023 OE deklaroi një vlere te caktuar, e cila thotë nga shitjet privat por qe ne listën e kontratave te ditës se ofertimit nuk gjenden dhe nuk mund te pranohen sepse do te konsiderohej ndryshim material, dhe se nga ato shitje nuk ka referenca por vetem gjendjen e bankes e ciia nuk ka qene kriter ne DT dhe Njoftim per kontrate Andaj nuk e ploteson kriterin.; sqarojmë se, nuk qëndrojnë këto konstatime pasi ne Dosje te tenderit janë kërkuar referenca te ngjashme : Kërkesa 5 : Operatori ekonomik për Pjesën 1 duhet të ofrojë dëshmi se ka përfunduar realizuara me sukses kontrata të natyrës se njëjte ose te ngjashme për 3 (tri) vitet e fundit (nga data e publikimit te njoftimit për kontrate) ne vlere minimum 1,500,000.00€. kompanija jone ka ofruar listën e kontrates dhe referencat me furnizime qe kane te bëjnë me uniforma qe eshte furnizim i ngjashëm qe ne kuadër te kësaj qdo autoritet qe i shpalle furnizime me uniforma (uniforma ka kuptim komplet pra veshmbathja) te cilat ne kuadër te saj hynë edhe këpucët çizmet helmëtat dhe dorezat janë furnizime te ngjashëm. Ne listën e referencave ne ju kemi dëshmuar se kemi furnizime te ngjashëm 3,516,702.80€ ku qdo tender qe eshte shpallur nga AK te Kosovës këpucët janë shpallur me uniforma dhe ne i kemi te gjitha furnizime te ngjashëm siqe ka qene kërkesa e dosjes se tenderit mbi 3,516,702.80 , pra te gjitha tenderët janë me uniforma dhe Uniforme kuptohet prej kokës deri te këpuca quhet uniforme –veshmbathje. Shiko listën e referencave.

Gjithashtu ne ju kemi dëshmuar ne sqarimin e datës 28.09.2023 se 717.162.00 euro kemi furnizime te njëjta me këpucë me Autoritet Kontraktuese ne te gjitha Autoritet Kontraktuese te Kosovës ndërsa 1,200.000.00 € me kompanitë private te gjitha këto ju dëshmojnë me fletëpagesa si dëshmi dhe AK-se te Policisë se Kosovës ja kemi dëshmuar me qarkullim bankar. AK e Policisë se Kosovës duhet ti beje vlerësimin e referencave ne baze te nenit 59 te LPP-se dhe ne baze te nenit 69 pasi ne dosjen e tenderit është kërkuar referenca te ngjashëm ne dosjen e tenderit dhe kemi dorëzuar referencat e ngjashëm. Sa per informimin e komisionit te vlerësimit ne kemi 10 dyqane ne gjithë Kosovën me furnizim me këpucë këtë e dine shume mire AK i Policisë se Kosovës por kjo është duke u bere e qëllimshme, mundeni me ardh mi i vizituar te gjitha dyqanet tona me këpucë.

AK-ja refuzimin qe na ka dërguar është po i njëjti arsyetim qe na është dërguar për eliminim dhe nuk kane mundur te demantojnë pretendimin tone qe kemi thane se është kërkuar e ngjashëm referencat dhe ne ju kemi ofruar referenca te ngjashme është veshmbathja dhe ne ju kemi ofruar referenca te mjaftueshëm për veshmbathje. 3,516,702.80 euro kontrata te nënshkruara Faqe 8 nga 15 Pra me këtë AK-ja e Policisë se Kosovës dëshmon se edhe ne këtë tender si ne tenderët paraprake qe nga viti 2016 nuk jemi te mirëpritur nga këta njerëz dhe qe nga viti 2016 nuk kemi marr asnjë kontratë për këpuca”.

Pretendimi i dytë (II): Ankuesi pretendon se “pike tjetër e eliminimit sipas AK-së se : Është kërkuar qe pjesa e perparme e sholles te jete 1.2 -1.5 cm, OE e ka sjelle 1cm pjesen e perparme te shollës nuk qëndron konstatimi i AK-se, i komisionit te vlerësimit pasi pasi ne prezencë te punëtores se prokurimit znj. Vatovci z . prokurimit e kemi mat pjesën përparme te shollës qe sipas matjes qe e beme del 1.2 cm qe dmth përputhet me matjet tona me matjet qe janë ne atest te laboratorit 1,2cm qe ne baze te këtyre matjeve qe ne i kemi bere dhe qe po ju dëshmojmë me foto mundem me konstatuar se kompania jone “Sabit Makiqi B.I. A&V Collection NP” i përmbushim specifikimin teknik te dosjes se tenderit. Shikoni foton: Gjithashtu ne ju kemi drejtuar edhe prodhuesit me këtë arsyen e eliminimit dhe prodhuesi na ka dërguar matjet profesionale me NONJUS . Shiko foton Faqe 9 nga 15 Kompania jone kërkon nga eksperti i OSHP-se edhe Bord i OSHP-se si qe shihet këpuca jone i plotëson specifikat duke u bazuar te gjoni këpucës është 1,3 cm dhe matjes behet me NONJUS e jo me metër si qe ka mat komisioni i vlerësimit, atëherë kërkojmë nga eksperti edhe panelit qe ti dërgojnë për matje ne ndonjë Institut Shtetëror te licencuar te matjeve e jo te na eliminojnë ata qe s’kane lidhje me këpuce se një eliminim i tille për kompaninë prodhuese është ofendim. Gjithashtu ne mundem me konstatuar se komisioni i vlerësimit dhe zyra e prokurimit me arsyetime te tilla te pa baza dhe ne kundërshtim te plote me ligjin e prokurimit dhe ne kundërshtim me matjet e laboratorit po mundohen me na eliminuar qëllimisht nga konkurrenca dhe qëllimisht me na dëmtuar kompaninë tone për me i realizuar qëllimet e tyre me kompanitë e veta. AK-ja - Gjithashtu edhe ne këtë pretendim nuk kane qene real ne refuzimin e kërkesës për rishqyrtim pasi si qe e shini ju si ekspert vërehet qarte se sholla është 1.2-1.5 por kjo është bere qëllimisht nga AK-ja.”

Pretendimi i tretë (III): Ankuesi pretendon se “ pike tjetër e eliminimit sipas AK-së se : Gjatësia e lidhëseve të këpucëve duhet të jete 80 deri në 100 cm, OE e ka sjelle 78cm Andaj OE konsiderohet I papërgjegjshëm nuk qëndron konstatimi i AK-se, i komisionit të vlerësimit pasi në prezencë të punëtores së prokurimit znj. Vatovci z . prokurimit e kemi mat gjatësinë e Faqe 10 nga 15 lidhëses është sipas specifikimeve të dosjes së tenderit 80, cm shikoni foton e bashkangjitur këtë dëshmon edhe atesti i laboratorit me numër Nr. 107NA/31.08.2023 r. Shikoni foton që e kemi matur në prezencë të OE. Në bazë të këtyre konstatimeve në si kompani mundem me konkluduar se komisioni i vlerësimit dhe zyra e prokurimit ka vepruar kundërshtim me laboratorin së pari por janë edhe kundërshtinë me nenin 28 të LPP_se pasi janë të përcaktuar standardet qyshe kërkohen në nenin 28 të LPP_se standardet evropiane ose standardet e mallrave që i kanë kërkuar në dosjen e tenderit dhe prodhuesi i ka bërë lidhëset sipas standardeve që janë kërkuar që në si kompani e kemi plotësuar gjatësinë e lidhëses. Pretendimet tona për OE të rekomanduar për kontratë. Ak-ja edhe për kundër fakteve të lëshuar nga laboratorit (atesti që ka qenë i bashkangjitur me oferte) që në ju kemi ofruar në kërkesës për rishqyrtim AK-ja prap se prap ka mbetë pranë arsyeve të eliminimit pa kurrfarë arsyetim për gjatësinë e tojës që është bërë në laborator. Kërkojmë nga OSHP-ja që të dërgojnë çfarëdo laboratorit të bëjnë matjen ose të pyetni laboratorin”.

Pretendimi I katërt (IV): Ankuesi Pretendon se “Në fletushkën e OE Solid shpk që është i rekomanduar për kontratë në fletushkën që e kemi gjetur në mostrën e këpucës nuk përputhet me specifikacion teknik të kërkuar në dosjen e tenderit që në bazë të Faqe 11 nga 15 kësaj komisioni i vlerësimit shihet se ka qenë subjektiv në vlerësim të ofertave . Kompania jone mundet me konkluduar se OE i rekomanduar për kontratë mostrën që ka dorëzuar ka ra kundërshtim me veten dhe me specifikimin teknik të dosjes së tenderit pasi shkruar në fletushkë të mirëmbajtjes dhe mostrën këpucës që ka dorëzuar shkruan standardi EN 347 që nuk ka standard standard EN 347 por në dosjen e tenderit është kërkuar standardi 20347 pra me në një fjalë është kundërshtim me veten dhe kundërshtim me specifikat teknike Shiko dosjen e tenderit : 1. Standardi EN ISO 20347 duhet të dëshmohet me flete inspektim apo raport testues Shiko standardin të maja e kimikut në foton e fletushkës e kompanisë Solid Shpk.”.

Pretendimi I pestë (V): Ankuesi Pretendon se “Gjate qasjeve në ofertat të OE Solid shpk lidhësja e këpucës që e kemi matur në prezencë të znj. Satovci është e gjatë 101 cm , ndërsa kompaninë tone Sabit Makiqi B.I A&V Collection na eliminoj padrejtësisht duke na diskriminuar haptazi dhe në kundërshtim me LPP-në pasi shihet se në kemi lidhësen 80 cm sipas specifikave të dosjes së tenderit ndërsa OE i rekomanduar e ka 101 cm kundërshtim me specifikat teknike dhe nuk e eliminoj”.

Pretendimi I gjashtë (IV): Ankuesi Pretendon se: “Gjithashtu në dyshojmë se nuk ka as ateste të lidhëse të dorëzuar që është kërkuar në dosjen e tenderit pasi neve nuk na kanë jep qasje mi shikuar atestet që është kundërshtim me nenin 10 të LPP_se pasi atestet nuk mundën të konsiderohen sekret afarist se është specifikim teknik që i bije se nuk është sipas nenit 11 që thotë vetëm dokumentet që kanë të bëjnë me neni 68 dhe 69 mundën të konsiderohen sekret afarist. Për këtë kërkojmë nga komisioni i vlerësimit apo eksperti që do ta shqyrtoj lenden ti

shikon atestet për lidhësve, sepse ka qenë kriter që të ketë atest për lidhje kundër ujit! dhe ky Laborator në faqen zyrtare No. LT004 të laboratorit nuk e ka këtë standard të akredituar. Faqe 13 nga 15 Bazuar në kërkesën e specifikimit teknik për këpuca rezistues ndaj ujit, Laboratori në fjalë nuk ka akreditim për testimet si në vijim; Rezistent ndaj ujit, as standardit EN ISO 20347. Ku mundet të shihni në faqen zyrtare Laboratorit LT-004. Ku vetë ky laborator shumë qartë i ka dokumentuar që Atestet të cilat i kryen për Lëkur dhe për Këpuce prej numrit rendor numër 56 deri në faqen 92 as kundër nuk shifet që ky laborator nuk është i akredituar për këto standarde. Standardet kundër ujit dhe për standardin EN ISO 20347 nuk është i akredituar MAK –KONTROLL. Si që jenë kërkuar në specifikimin e DT i secili ka qenë kriter kryesor: Këpuce me lidhëse model Derby me nivel të ulët, me sistem ajrosje dhe rezistues ndaj ujit mbështjelle me shtrese TPU - PUR (Thermoplastic Polyurethane) ose ekuivalent antistatike, ngjyra e zezë. .. Gjatësia e lidhësve të këpuceve duhet të jete 80 deri në 100 cm dhe të jene rezistuese ndaj ujit, Kërkojmë nga komisioni i rivlerësimit apo ekspertit shqyrtues të shikoj a i ka të dorëzuar atestet për këpuca, lidhësja si që ka qenë kërkesa e dosjes së tenderit, të shikoj a është i akredituar laboratori i atesteve, sipas standardeve a e ka certifikatën e akreditimit laboratorit pasi në mendoj se i ka manipuluar atestet dhe të vërtetohen atestet pasi kemi dyshime se janë marrë atestet në Maqedoninë e veriut dhe ky laborator nuk standardit të akredituar rezistenca ndaj ujit dhe nuk Këpuce duhet të sigurojnë mbrojtje sipas standardit EN ISO 20347 akredituar, dëshmi certifikatën e Laboratorit No. LT-004. Shikoni certifikatën e akreditimit të Laboratorit: MAKKONTROL dëshmi faqja 56- deri 92 për Lëkur dhe këpuce”.

Pretendimi I shtatë (VII): Ankuesi Pretendon se “Siç po shihet me lartë AK e ka rekomanduar kundërligjshëm këtë aktivitet të prokurimit pasi që neve i kemi plotësuar të gjitha kërkesat e AK-se të vendosura në NJK dhe DT pra kemi ofertuar me tender të përgjegjshëm dhe me Çmimin më të ulët. Me këtë veprim AK ka bërë shkelje të nenit 1 të LPP-së ku thuhet se: vendimet e AK-ve, të mos ndikohen nga interesat personale, të karakterizohet me jo-diskriminim dhe me një shkallë të lartë të transparencës dhe, të jenë në përputhje me kërkesat procedurale dhe qenësore të këtij ligji. Autoriteti kontraktues në këtë aktivitet të prokurimit nuk ka pasur në konsideratë nenin 1 të LPP-së, pasi që dihet se qëllimi i këtij ligji është të sigurojë mënyrën më efektive, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë. Gjithashtu shihet qartë se AK ka bërë shkelje të nenit 7 të LPP-së ku në piken 1 thuhet se : Autoriteti kontraktues Faqe 14 nga 15 do të trajtoj operatorët ekonomik në mënyrë të barabartë dhe jo- diskriminuese dhe do të veprojë në mënyrë transparente. Si dhe në piken 2 thuhet : Autoriteti kontraktues nuk do të ekzekutojë asnjë aspekt të aktivitetit të prokurimit në një mënyrë që redukton apo eliminon konkurrencën në mes të operatorëve ekonomik ose që diskriminon në dëm ose në të mirë të një ose më shumë operatoreve ekonomik. AK nuk i ka vlerësuar në mënyrë të barabartë të gjithë OE-te të cilët kanë aplikuar në këtë aktivitet të prokurimit. AK për këtë aktivitet të prokurimit: ekzaminimin vlerësimin dhe krahasimin e tenderëve nuk e ka bërë konform nenit 59 të LPP-së dhe njëkohësisht nuk e ka respektuar edhe nenin 60 të LPP-së kriteri kryesor për dhënie të kontratës ka qenë: Tenderi i përgjegjshëm me Çmimin më të ulët, ku neve kemi ofertuar me ofertuar me Tender të përgjegjshëm dhe me Çmimin më të ulët. Pra neve kemi dorëzuar tender i cili është në përputhshmëri me të gjitha kërkesat e parashtruara në njoftimin për kontrate dhe dosje të tenderit dhe me Çmimin më të ulët. Besojmë se i kemi elaboruar me shume se sa që duhet shkeljet e AK-se në këtë aktivitet të Prokurimit andaj, Kërkojmë nga AK që ti respektoj në përpikëri dispozitat ligjore që janë në fuqi dhe ti respektoj kërkesat e veta që vet i ka vendosur në NJK dhe DT lidhur në këtë aktivitet të prokurimit dhe të nxjerr: ”.

Pretendimi I tetë (VIII): Ankuesi Pretendon se “Kompania jone mendon se është shkelur neni 11 i LPP-se pasi nuk na është dhënë qasjen e plote siqë kërkohet me këtë nen te ligjit te Prokurimit dhe kërkoj te merren masa ndaj personave qe nuk na është dhënë qasja pasi kjo lejohet me ligj dhe duhet te na jepet verzioni i pastër i aktivitetit te prokurimit pra te gjitha dokumentet qe lejohen me LPP-se. Pasi vetëm dokumentet qe kane te bëjnë me nenin 68 dhe 69 munden te konsiderohen si sekret afarist por jo Lista e referencave, certifikatat dhe atestet nuk hyn ne nenin 69 pasi janë certifikata dhe konsiderohen me neni 66 te LPP-se.”

Pretendimi I nentë (VIII): Ankuesi Pretendon se “Kërkojmë nga komisioni i rivlerësimit te e shikoj ofertën e Solidit shpk se a i ka plotësuar kriteret e dosjes se tenderit pasi nuk na është jep qasje krejt ofertën: 1. Referencat nuk e dimë a i ka plotësuar qe është kërkuar ne tri vitet e fundit prej 1.000.000.00€ 2. Certifikatat ISO 9001:2015 dhe EN ISO 14001:2015 valide a janë Faqe 15 nga 15 3. Certifikatën e Laboratorit EN ISO 20347 Ak-ja ne pretendimet tona qe i kemi pasur për OE te rekomanduar Solid shpk nuk është përgjigjur fare kjo vërehet qarte se kane pasur interesa personale me kompaninë e rekomanduar edhe pse ka pasur shume pretendime.”

Duke u referuar pretendimeve si më sipër, OE “Sabit Makiqi” B.I konsideron se Autoriteti Kontraktues ka vepruar në kundërshtim me nenin ,6, 7, 10, 11, 59, 60 dhe 69 të LPP duke kërkuar nga Paneli Shqyrtues në OSHP që të aprovohet ankesa si e bazuar, të anulohet njoftimi mbi vendimin e AK dhe aktiviteti i prokurimit të kthehet në rivlerësim.

Duke u mbështetur te neni 111 paragrafi 5 lidhur me nenet 113 dhe 114 të LPP, Paneli Shqyrtues me datë 10/11/2023 ka autorizuar ekspertin shqyrtues për të bërë shqyrtimin fillestar të dosjes dhe pretendimeve sipas ankesës me nr. 871/23, ndërsa me datë 21/11/2023 është dorëzuar raporti i ekspertit shqyrtues me nr. 2023/0871 me rekomandimet si në vijim: “Duke u bazuar në sqarimet e lartpërmendura, eksperti shqyrtues i propozon panelit shqyrtues që OE ankues të aprovohet si e bazuar, të anulohet njoftimi për dhënie të kontratës dhe rekomandon që lënda të kthehet në rivlerësim.”

Raportin e ekspertizës e kanë pranuar me rregull të gjitha palët procedurale. AK POLICIA E KOSOVËS, ka deklaruar se nuk pajtohet me mendimin e ekspertit shqyrtues duke theksuar “

Autorit kontraktues PK nuk pajtohet me mendim e eksperti shqyrtues 2023/871, pasi qe nuk kane trajtuar materilalin sipas LPP-se dhe Rregullores 01/2022. AK kundërshton fuqishme ekspertizën , eksperti ne ekspertizën e tij ka gjen i një anshëm dhe jo profesional mbi te cilën OE ankues është eliminuar.

Asnjë nga sqarimet e ekspertit teknik nuk qëndrojnë pasi që nuk ka vlerësuar sipas kërkesës së AK sipas njoftim për kontratë dhe FDT-se. OE ankues është i pa përgjegjshme pasi që nuk i ka plotësuar kërkesat në DT dhe në njoftimin për kontratë.

Te lista e kontratave OE ankues nuk ka kontratë të realizuara sipas kërkesës në DT dhe në njoftimin për kontratë pasi që referencat e ofruara nuk i plotësojnë vlerën e kërkuar. Në kontratat e realizuara nga OE ankues janë kontratë që kanë të bëjnë me furnizim me uniformë zjarrduruese (duke përfshirë xhaketa, pantollona, nenkapela, doreza si dhe çizme) e jo me këpucë pasi që vetë kodi i Fjalorit të Prokurimit Publikim është 19300000-9 që ka të bëjë me këpucë –Lëkurë, produkte lëkure dhe këpucë ku si të ngjashme hynë çizmet dhe produkte tjera që kanë të bëjnë me lëkurë. Uniforma nuk mund të jetë e ngjashme ashtu siç pretendon eksperti në ekspertizën e tij.

Kodi i fjalorit të prokurimit me të cilët vërtetohet se uniforma nuk mund të jetë e ngjashme për kontratë që ka OE ankues me Agjencinë e menaxhimit Emergjent pasi që kjo kontratë kanë fjalorin e prokurimit 18115100-9 uniformë zjarrfikësve. Arsyeja e eliminimit të OE ankues është gjeni si me poshtë.

Sabit Makiqi B.I., 9/A, MULLA IDRIZ GJILANI, -, PRISHTINË, Kosovë Pjesa 1

OE k deshtuar në: Kërkesat mbi mundësitë teknike dhe/ose profesionale

Kërkesa 5 : Operatori ekonomik për Pjesën 1 duhet të ofrojë dëshmi se ka përfunduar realizuara me sukses kontratë të natyrës së njëjte ose të ngjashme për 3 (tri) vitet e fundit (nga data e publikimit të njoftimit për kontratë) në vlerë minimum 1,500,000.00€.

Dëshmi 5: Operatori Ekonomik duhet të ofroj listën e kontratave të përfunduara gjatë tri viteve të fundit nga data e publikimit të projektit, të nënshkruar dhe vëlosur nga Operatori Ekonomik, të dëshmuar me referencë ose fletë pranime në kopje të nënshkruar dhe vëlosur nga Autoritetet përkatëse publike ose private.

Vërejtje; Asnjë kontratë nuk do të llogaritet nëse nuk është e bashkangjitur referencë pozitive për kryerjen e furnizimeve ose raportet e fletë pranimeve të furnizimeve, kur furnizimi është bërë për një autoritet publik apo privat në Kosovë ose në një vend tjetër, për dëshmi duhet të dorëzohen fletëpranimet ose referencat (në referencë të jetë e cekur vlera e furnizimeve) të lëshuara nga autoriteti i tillë.

OE ka sjellë Listën e kontratave në oferte, e cila në përmbajtje ka patur edhe artikuj tjerë përpos natyrës së njëjte Apo të ngjashme.

Me date 26.09.2023 I kemi dërguar Letër Standarde ku I kemi kërkuar që të na ofroj sqarime sipas kodit klasifikues. OE me date 02.10.2023 është përgjigjur Brenda afatit por nuk ka arritur të ofroj dëshmi të mjaftueshme. Vlera e cila ofrohet nga OE nuk e mbulon vlerën e kontratave nga Lista e Kontratave të ofruar në ditën e ofertimit. Në sqarimet e dhëna të datës 02.10.2023 OE deklaroi një vlerë të caktuar, e cila thote nga shitjet privat por që në listën e kontratave të ditës së ofertimit nuk gjenden dhe nuk mund të pranohen sepse do të konsiderohej ndryshim material, dhe se nga ato shitje nuk ka referenca por vetëm gjendjen e bankës e cila nuk ka qene kriter në DT dhe Njoftim për kontratë Andaj nuk e plotëson kriterin.

OE gjithashtu ka dështuar tek Aneksi 1 Specifikacionet Teknike

Është kërkuar që pjesa e përparme e shollës të jetë 1.2 -1.5 cm, OE e ka sjelle 1cm pjesën e përparme të shollës

Gjatësia e lidhëseve të këpucëve duhet të jetë 80 deri në 100 cm, OE e ka sjelle 78cm

Andaj OE konsiderohet I papërgjegjshëm

Te gjitha këto kundërshtim do ti paraqesim, edhe me a-mail te OSHP si dhe në seancën përfundimtare të cilën kërkojmë të mbahet dhe ti paraqesim te gjitha faktet, ti pasqyrojmë te gjitha këto me dokumente që OE ankues ka ofruar bashkë me ofertën financiare.”.

Ndërsa OE Sabit Makiqi, ka deklaruar se pajtohet me mendimin e ekspertit shqyrtues.

Paneli konstatoi se nuk ekzistojnë elementet për parandalim të konfliktit të interesit, siç kërkohet në kuptim të nenit 11 të Rregullores për Punën e OSHP, lidhur me paragrafin 1.75, të nenit 4 të LPP dhe njëherësh analizoi të gjitha shkresat e kësaj lënde, përfshirë të gjitha aktet dhe veprimet e palëve dhe konsideroi se nuk ka nevojë të konvokohet seanca dëgjimore me palë, përderisa parashtruesat e palëve dhe veprimet e tyre, përbejnë bazë të mjaftueshme për të vendosur në aspektin meritator sikurse parashihet me paragrafin 1, të nenit 24 të Rregullores së Punës së OSHP, dhe se nuk ka nevojë të kërkohen nga autoriteti kontraktues dhe/ose parashtruesi i ankesës që të sigurojë informata dhe/ose shpjegime shtesë, në kuptim të paragrafit 3, të nenit 116 të LPP.

- Administrimi dhe vlerësimi i provave –

Me qëllim të vërtetimit të plotë të gjendjes faktike, paneli shqyrtues ka administruar si prova raportin e ekspertit, mendimet e palëve lidhur me raportin e ekspertit, parashtruesat dhe dokumentet e ankuesit, shkresat dhe dokumentet e autoritetit kontraktues, dokumentet relevante lidhur me aktivitetin e prokurimit si dhe të gjitha provat që janë propozuar nga palët procedurale.

Lidhur me pretendimet e OE Sabit Makiqi eksperti shqyrtues përmes raportit nr. 2023/0871 ka vlerësuar si në vijim:

Pretendimi i parë (I) ankimor është i bazuar pasi që: “Pretendimi i parë ankimorë ka të bëjë me arsyen e eliminimit të OE ankues, ku sipas AK-së i njëjti nuk ka arritur të përmbush vlerën e kërkuar prej 1.500.000€ kontrata të natyrës së ngjashme pasi sipas AK-së në letër standarde për eliminim : “OE ka sjelle Listen e kontratave ne oferte, e cila ne permbajtje ka patur edhe artikuj tjere perpos natyres se njejte Apo te ngjashme.” OE ankues pretendon se plotëson dhe tejkalon kërkesat dosjes së tenderit. Sqarojmë se kërkesa decidive në dosje të tenderit ka qenë si në vijim: “Kerkesa 5 : Operatori ekonomik për Pjesën 1 duhet të ofrojë dëshmi se ka përfunduar realizuara me sukses kontrata të natyrës se njëjte ose te ngjashme për 3 (tri) vitet e fundit (nga data e publikimit te njoftimit për kontrate) ne vlere minimum 1,500,000.00€.”. Pas analizimit të ofertës së OE ankues, kemi gjetur se i njëjti nga lista e kontratave që ka ofruar ku ka renditur 9 kontrata, vetëm me 3 kontrata nga kjo listë e plotëson dhe tejkalon kërkesën e dosjes për kontrata të natyrës së ngjashme . Për këto kontrata OE ka ofruar referencat pozitive nga autoriteti përkatës. Provë : referenca me vlerë 657.289.80€ për “Furnizim me Uniforma të Punës dhe Këpucë për Zjarrfikës nga Agjencia e Menaxhimit Emergjent. Provë : referenca me vlerë 1,134.364.00 euro për “Furnizim me Uniforma dhe Helmeta Mbrojtëse për Zjarrfikës. Pjesa (Llot) 1 Furnizim me Uniforma mbrojtëse nga zjarri (Xhaketa zjarrduruese, Pntollonat zjarrdurues ,Çizmet zjarrdurues ,Nënkapela zjarrduruesese, Dorëzat zjarrduruese), nga Agjencia e Menaxhimit Emergjent. Provë: referenca 1.181.480 për “Furnizim me uniforma sportive per nevoja te FSK-se e ndare ne dy pjes – Lot 2 ‘Furnizim me atlete sportive për nevojat e FSK[1]së’” nga MINISTRIA E MBROJTJES. Mendimi ekspertit është se vetëm me këto tri kontrata plotësohet dhe tejkalohet kërkesa e AK-së. Arsyetimi i AK-së se “OE ka sjelle Listen e kontratave ne oferte, e cila ne permbajtje ka patur edhe artikuj tjere perpos natyres se njejte Apo te ngjashme” nuk është na pajtim me kushtet e tenderit, pasi në dosje të tenderit është kërkuar “kontrata të natyrës se njëjte OSE TE NGJASHME”. Bazuar në këto që u cekën më lart vlerësojmë se pretendimi ankimorë është i bazuar dhe se eliminimi i AK-së në këtë pikë është në kundërshtim me kërkesat e dosjes së tenderit.”.

Pretendimi i dytë (II) ankimor është i bazuar pasi që “Pretendimi tjetër ankimorë ka të bëjë me arsyen e eliminimit , ku sipas AK-së OE ankues “OE gjithashtu ka deshtuar tek Aneksi I Specifikacionet Teknike është kërkuar qe pjesa e përparme e shollës te jete 1.2 -1.5 cm, OE e ka sjelle 1cm pjesen e perparme te shollës Gjatesia e lidheseve te kepuceve duhet te jete 80 deri ne 100 cm, OE e ka sjelle 78cm Andaj OE konsiderohet I papërgjegjshëm.” Fillimisht duhet të cekim se nuk jemi të njoftuar se kush nga AK dhe në çfarë mënyrë apo në çfarë laborator i kanë bërë matjet. OE ankues pretendon se kjo është konstatim i gabuar i AK-së dhe ka ofruar dëshmi nga prodhuesi si duhet bërë matja, ku sipas matjeve të prodhuesit trashësia është në pajtim me kërkesat e dosjes. Përveç kësaj, OE ankues në ofertë ka prezantuar edhe raportin e testimit nga laborator i ku shihet se trashësia është brenda parametrave të lejuar 1.2-1.5cm. Provë : Raporti i testimit nr.107NA/31.08.203 Bazuar në këto që u cekën më lart vlerësojmë se pretendimi ankimorë është i bazuar.”.

Pretendimi i tretë (III) ankimor është i bazuar pasi që “pretendimi tjetër ankimorë ka të bëjë me arsyen e eliminimit , ku sipas AK-së OE ankues OE gjithashtu ka deshtuar tek Aneksi I Specifikacionet Teknike është kërkuar qe pjesa e përparme e shollës te jete 1.2 -1.5 cm, OE e ka sjelle 1cm pjesën e përparme te shollës Gjatesia e lidhëseve te këpucëve duhet te jete 80 deri ne 100 cm, OE e ka sjelle 78cm Andaj OE konsiderohet I papërgjegjshëm.” Fillimisht duhet të cekim se nuk jemi të njoftuar se kush nga AK dhe në çfarë mënyrë apo në çfar laborator i kanë bërë matjet. OE ankues pretendon se kjo është konstatim i gabuar i AK-së dhe ka ofruar dëshmi nga qasja/matja e mostrave, Përves kësaj, OE ankues në ofertë ka prezantuar edhe raportin e

testimit nga laboratori ku shihet se trashësia është brenda parametrave të lejuar 80-100cm. Provv : Raporti i testimit nr.107NA/31.08.203 Bazuar në këto që u cekën më lart vlerësojmë se pretendimi ankimorë është i bazuar.”.

Pretendimi i katërt (IV) ankimor është i bazuar pasi që “*Pretendimi tjetër është se OE i rekomanduar ka ofruar një “fletushkë” në të cilën shënon standardi EN 347. OE ankues pretendon se ky standard nuk është ajo çka është kërkuar , që është kërkuar realisht EN ISO 20347. Po ashtu sipas OE kjo nuk plotëson kërkesën e dosjes për “raport të testimit”. Me qenë se OE ankues nuk i është lejuar qasja në këto dokumente, ne kemi analizuar ofertën e OE të rekomanduar për kontratë dhe kemi gjetur se për këtë kërkesë OE i rekomanduar ka prezantuar një raport testimit , mirëpo vlerësojmë se ky raport nuk i plotëson as për së afërmi kërkesat e AK-së. Fillimisht theksojmë se në këtë raport askund nuk shënon se është bërë testimi i këpucëve. Pastaj nuk përmban asnjë standard/testim sipas EN ISO 20347 apo metodave tjera të testimit që përdoren për plotësimin e kërkesave që dalin nga ky standard, siç janë komfortiteti, qëndrueshmëria, rezistenca ndaj rrëshqitjes etj. Nga analizimi mëtutjeshëm duket se ky testim është bërë për lëkurë dhe jo për këpucë, ndërsa kërkesa dosjes ka qenë që “produkti i ofruar është në përputhje me standardin EN ISO 20347. Në rastin konkret produkti i cili ofrohet/prokurohet është këpuca si tërësi e jo lëkura. Kjo definohet edhe përmes dosjes së tenderit në specifika teknike ku decidivisht thuhet : “Këpucët duhet të sigurojnë mbrojtje sipas standardit EN ISO 20347 (pajisje mbrojtëse personale)” Bazuar në këto që u cekën më lart, vlerësojmë se pretendimi ankimorë në këtë pikë është i bazuar dhe se OE nuk ka arritur të dëshmojë se produkti i ofruar është në përputhje me standardin EN ISO 20347.*

Pretendimi i pestë (V) ankimor është i bazuar pasi që “*OE ankues pretendon se OE i rekomanduar nuk ka dëshmuar se produkti ofruar është në pajtim me kërkesën e dosjes për lidhëse rezistente ndaj ujit. Prapë duhet të cekim se raporti testimit të OE të rekomanduar , nuk përmban as këtë të dhënë/testim, andaj konsiderojmë se pretendimi ankimorë është i bazuar.”.*

Pretendimi i gjashtë (VI) ankimor është i bazuar pasi që “*OE ankues në mungesë të qasjes në dokumente të OE, pretendon se OE i rekomanduar sigurisht nuk Raporti i ekspertit shqyrtues, lidhur me ankesën e parashtruar nga OE “Sabit Makiqi B.I.”, lidhur me aktivitetin e prokurimit “FURNIZIM ME KËPUCË PËR POLICIN E KOSOVËS -Ritender” me numër të prokurimit: “214-23-7137-1-1-1, të iniciuar nga Autoriteti Kontraktues (AK) – POLICIA E KOSOVËS plotëson kërkesat për referenca në tri vitet e shkuara dhe po ashtu ngritë dyshime rreth ISO standardeve të OE. Pas analizimit të ofertës së OE të rekomanduar kemi gjetur se i njëjti i plotëson këto kërkesa. Ndoshta vlen të ceket njëra nga ISO certifikatat është vazhduar një ditë para afatit për ofertim, dhe me atë numër të certifikatës nuk kemi mundur ta vërtetojmë certifikatën në faqe të lëshuesit/certifikuesit, megjithatë nga të dhënat në certifikatë duket të jetë valide”.*

Paneli Shqyrtues ka vlerësuar se janë plotësuar kushtet për të vendosur mbi këtë lëndë pa seancë dëgjimore në kuptim të nenit 24 paragrafit 1 të Rregullores së Punës së OSHP duke marrë parasysh që pretendimet e palëve dhe parashtrësat e tyre, provat si dhe raporti i ekspertit shqyrtues ofrojnë të dhëna të mjaftueshme për të vendosur në aspektin merititor lidhur me rastin.

- Gjetjet e Panelit Shqyrtues –

Paneli shqyrtues në mënyrë të pavarur dhe objektive, me ndërgjegje dhe kujdes profesional ka vlerësuar të gjitha provat e rastit. Paneli shqyrtues pas administrimit dhe vlerësimit të provave,

konstatimit të plotë të gjendjes faktike, duke u mbështetur në LPP si ligj material të zbatueshëm, pas shqyrtimit të pretendimeve ankimore, duke marrë parasysh të gjitha shkresat e lëndës ka gjetur se ankesa duhet të refuzohet si e pa bazuar dhe të mbetet në fuqi vendimi i AK. Rrjedhimisht Paneli Shqyrtues ka vendosur për të vërtetuar Njoftimin mbi Vendimin e Autoritetit Kontraktues të iniciuar nga Autoriteti Kontraktues (AK) – POLICIA E KOSOVËS lidhur me aktivitetin e prokurimit me titull “FURNIZIM ME KËPUCË PËR POLICIN E KOSOVËS - Ritender” me numër të prokurimit: “214-23-7137-1-1-1. Paneli Shqyrtues ka vlerësuar se Autoriteti Kontraktues ka vepruar konform dispozitave ligjore të LPP, pasi që AK ka trajtuar në mënyrë të barabartë dhe jo diskriminuese ndaj OE pjesëmarrës, duke u bazuar në dokumentacionin e prezantuar dhe dëshmitë dëshmuere me pas ka rekomanduar OE me ofertën më të lirë të përgjegjshëm. Paneli Shqyrtues vlerëson se vlerësimi i tenderit është kryer sipas kërkesave të specifikuara në njoftimin e kontratës dhe dosjes së tenderit. Andaj, Paneli Shqyrtues vlerëson se AK me të drejt ka shpërblyer OE e rekomanduar pasi që ka përmbushur gjitha kërkesat e parashtruara në dosjen e tenderit si dhe ka qenë tenderi me i përgjegjshëm me çmim me të ultë.

Andaj, paneli shqyrtues pas shqyrtimit të shkresave të lëndës, shqyrtimit të pretendimeve ankimore të OE ankues, konstatimeve, analizës konkrete dhe rekomandimeve të ekspertit shqyrtues, deklaramit të palëve në procedurë, diskutimeve dhe administrimit të provave në tërësi, e të gjithë aktivitetit të prokurimit të lartë shënuar, konsideron se gjetjet e ekspertit shqyrtues dhe mendimi i tyre janë të pranueshme në mënyrë të pjesërishtme nga ana e këtij paneli, për faktin se në këto raporte është konsideruar se në shumë pika nuk përmbajnë argumente, të gjetura dhe fakte të mjaftueshme, andaj është arritur deri tek vendim-marrja përfundimtare që të mbetet në fuqi vendimi i AK, andaj PSH do ta elaboroj vetëm pikat ankimore të cilat nuk kanë gjetur mbështetje të plotë për dallim nga raporti i ekspertizës:

Ankuesi ka atakuar arsyen e eliminimit të tij/saj, ku sipas AK-së i njëjti nuk ka arritur të përmbush vlerën e kërkuar prej 1.500.000€ kontrata të natyrës së ngjashme pasi sipas AK-së në letër standarde për eliminim : “OE ka sjelle Listen e kontratave ne oferte, e cila ne permbajtje ka patur edhe artikuj tjere perpos natyres se njejte apo te ngjashme. Lidhur me këtë eksperti shqyrtues ka deklaruar se Ankuesi ka ofruar dëshmi dhe refrenca të cilat e përmbushin vlerën e kërkuar nga AK, por nuk ofron asnjë faktë apo argument se në çfarë mënyre i klasifikon si të ngjajshme. Andaj, Paneli shqyrtues këtë pretendim e klasifikon si të pabazuar, duke ju përmbajtur Opinionit të KRPP Nr. 11 të publikuar më datë 09.06.2023, se KRPP nuk mund të tejkalojë autorizimet që i janë dhënë me ligj dhe të përcaktoj se cilat furnizime, shërbime apo punë konsiderohen të ngjashme me lëndën e kontratës së specifikuar nga AK në Dosjen e tenderit dhe në Njoftimin për Kontratë dhe në këtë rast si orientim i mirë për përcaktimin e furnizimeve, shërbimeve apo punëve të ngjashme mund të shërbejnë edhe kodet e përcaktuara në FPP ku aktualisht janë të publikuara 8.323 kode të FPP në Platformën Elektronike të Prokurimit Publik, atëherë AK në mendimin ndaj raportit të ekspertizës ka deklaruar se nuk pajtohet me mendimin e ekspertit sepse pikë orientimi i klasifikimit të këtyre kontratave ka qenë FPP.

Paneli Shqyrtues lidhur me pretendimin ankimor që ka të bëjë me arsyen e eliminimit të Ankuesit, ku sipas AK-së OE ankuers “OE gjithashtu ka deshtuar tek Aneksi 1 Speciflkacionet Teknike është kërkuar qe pjesa e përparme e shollës te jete 1.2 -1.5 cm, OE e ka sjelle 1cm pjesen e perparme te sholles Gjatesia e lidheseve te kepuceve duhet te jete 80 deri ne 100 cm, OE e ka sjelle 78cm Andaj OE konsiderohet I papërgjegjshëm. Ekspertit deklaroi se sipas matjeve të prodhuesit trashësia është në pajtim me kërkesat e dosjes. Përveç kësaj, OE ankues në ofertë ka

prezantuar edhe raportin e testimiit nga laborator i ku shihet se trashësia është brenda parametrave të lejuar 1.2-1.5cm. Provë : Raporti i testimiit nr.107NA/31.08.203 Bazuar në këto që u cekën më lart vlerësojmë se pretendimi ankimorë është i bazuar. Për dallim nga eksperti shqyrtues, PSH këtë pretendim e klasifikon si pjesërisht të bazuar ngase AK në përgjigje në kërkesën për ri-shqyrtim ka ofruar edhe me foto matjen e mostrave të cilat e mbështesin vendimin e AK dhe për këtë përgjegjësi duhet të mbaj komisioni i vlerësimit të ofertave konform nenit 59.1 të LPP.

Lidhur me pretendimet ankimore ndaj OE të rekomanduar për kontratë, Ankuesi pretendon se OE i rekomanduar ka ofruar një “fletushkë” në të cilën shënon standardi EN 20347. OE ankues pretendon se ky standard nuk është ajo çka është kërkuar , që është kërkuar realisht EN ISO 20347, si dhe OE ankues pretendon se OE i rekomanduar nuk ka dëshmuar se produkti ofruar është në pajtim me kërkesën e dosjes për lidhëse rezistente ndaj ujit. Po ashtu, sipas OE kjo nuk plotëson kërkesën e dosjes për “raport të testimiit. Paneli shqyrtues në këtë rast nuk e kupton ekspertin shqyrtues lidhur me konstatimin e tij se OE i rekomanduar për kontratë nuk ka arritur të dëshmojë se produkti i ofruar është në përputhje me standardin EN ISO 20347, dhe se raporti testimiit të OE të rekomanduar , nuk përmban as këtë të dhënë/testim, kur në ofertën e OE të rekomanduar për kontratë ka ofruar në ofertën e tij kopjen e çertifikatës për testimiit të lëkurës dhe përmban standardin EN ISO 20347 dhe përmban rezistencën ndaj ujit. Po ashtu, vlenë të theksohet fakti se kërkesa e Dosjes së Tenderit ka qenë "Për pjesën 1 Operatori Ekonomik duhet të sjell kopje të çertifikatës apo Flete inspektim të lëshuar nga ndonjë laborator i certifikuar për inspektime testime të lëkurës". Andaj , pretendimi ankimor është i pa bazuar.

Andaj, Paneli shqyrtues vendos ti jep të drejtë AK dhe që ta lë në fuqi vendimin e AK, vendim ky i cili është nxjerrë nga një komision i vlerësimit i cili supozohet të jetë profesional dhe po ashtu përgjegjës sipas nenit 59.1 cituar të gjithë anëtarët e Komisionit Vlerësues marrin përgjegjësi të plotë individuale për vlerësimin e kryer të ofertës. Paneli Shqyrtues thekson se secili autoritet kontraktues (në nivelin qendror dhe lokal) gëzon autonomi në planifikimin e prokurimit (neni 8) dhe në përcaktimin e nevojave që duhen përmbushur (neni 9), natyrisht në pajtim me kapacitetin buxhetor dhe se AK në rastin konkret ka pasur të drejtë të vendos po ashtu edhe për OE të rekomanduar për dhënie të kontratës bazuar edhe në neni 24 paragrafi 2 të LPP cituar "Autoriteti kontraktues është përgjegjës për të siguruar që të gjitha aktivitetet e prokurimit të autoritetit të tillë kontraktues të ekzekutohen në përputhshmëri të plotë me këtë ligj".

Paneli detyrohet ta marrë në konsideratë faktin parimore se, tenderi i ofruar nga OE i cili është rekomanduar për kontratë është për 241,200.00 €, më 1 lirë, e që ky fakt nuk ka mundur të mohohej as nga AK. Përveç kësaj AK duhet ti ketë parasysh edhe dispozitat e neneve 1, 6 dhe 7, përmbajtja e të cilave përbën fakt notor për të gjitha AK dhe OE.

Kthimi i një aktivitetit të prokurimit pa bazë kontestuese ligjore në ri-vlerësim, nuk është në harmoni me nenin 1, të LPP, sipas të cilit, qëllimi i këtij Ligji është mes tjerash, cituar: "...të siguroj integritetin dhe përgjegjësinë e zyrtarëve publik, nëpunësve civil dhe personave të tjerë që kryejnë ose janë të përfshirë në një aktivitet të prokurimit duke kërkuar që, vendimet e individëve të tillë dhe baza ligjore e faktike për vendimet e tilla, të mos ndikohen nga interesat personale, të karakterizohet me jo-diskriminim dhe me një shkallë të lart të transparencës dhe, të jenë në përputhje me kërkesat procedurale dhe qenësore të këtij ligji".

Prandaj duke vepruar mbi bazën e parimeve themelore të procedurave për shqyrtimin e prokurimit, të cilat mes tjerash, janë sanksionuar në mënyrë të veçantë me dispozitën e nenit 104, të LPP dhe njëherësh duke i analizuar shkresat e kësaj lënde në relacion me faktet dhe rrethanat e përshkruara si më sipër, e posaçërisht duke i kushtuar kujdesin e duhur po ashtu dhe natyrës dhe qëllimit të pretendimeve ankimore, Paneli Shqyrtues mori në konsideratë të gjitha pohimet e ankuesit, aktet dhe veprimet e ndërmarra nga AK, raportin e ekspertit shqyrtues dhe i analizoi me kujdes të gjitha shkresat e kësaj lënde dhe konsideron se pohimi ankimor i OE ankues është i

pabazuar dhe refuzohet, ashtu siç janë dhënë në konstatimet e panelit.

Paneli shqyrtues në këtë vendim marrje ka pasur në konsideratë edhe kërkesat e nenit 104, paragrafi 4 të LPP, sipas të OSHP duhet të veprojë sa më shpejtë që të jetë e mundshme, të veprojë në mënyrë proporcionale me shkeljen e pretenduar ose çështjen për të cilën është paraqitur ankesa, dhe të marrë për bazë pasojat e mundshme të veprimeve ose masave në të gjitha interesat që mund të dëmtohen, duke përfshirë interesin publik.

Andaj, duke vepruar në pajtim me kompetencat e cituara si më sipër dhe nenin 104 paragrafi 4 lidhur me paragrafin 1, sipas të cilit procedura e shqyrtimit të prokurimit do të zbatohet dhe realizohet në mënyrë të shpejtë, të drejtë dhe pa diskriminim, që ka për qëllim zgjidhjen e ligjshme dhe efektive të lëndës, si dhe duke ju referuar nenit 117 të LPP-së, dhe në provat e prezantuara si më lartë Paneli Shqyrtues vendosi si në dispozitiv të këtij vendimi.



Kryetar i Panelit Shqyrtues
Vedat Poterqoi

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi ka të drejtë t'i drejtohet Gjykatës Komerciale në Prishtinë, në afat prej 30 ditësh nga data e pranimi të këtij vendimi.

Vendimi t'i dorëzohet:

- **AK - POLICIA E KOSOVËS**
- **OE - Sabit Makiqi B.I.**
- Arkivës së OSHP-së: